



Høgmesse i Aukra kyrkje

Normalordning for høgmesse i Aukra sokn

i. Samling

1 Førebuing

Klokkeringing

Kort stille stund

Tre klokkeslag

***2 Inngangssalme**

***3 Helsing**

Kjære kyrkjelyd:

L | Nåde vere med dykk og fred frå Gud, vår Far, og Herren Jesus Kristus.

Kyrkjelyden set seg.

Dersom kort informasjon om gudstenesta ikkje vart gjeven under ledd 1, kan det koma her.

4 Samlingsbøn

ML | Lat oss be.

ML | Gud, vi er komne inn ditt heilage hus
for å ta imot det du vil gje oss.
Lat no opp hjarta våre,
så vi kan fornyast i trua på deg.

ML | Gud, vi bed. **A** | **Amen.**

5 Syndsvedkjenning

L | Lat oss bøya oss for Gud og be om tilgjeving.

Stilt ei kort stund

Liturgen kneler under syndsvedkjenninga og den stille stunda. Også kyrkjelyden kan knela.

A | **Gud, ver meg nådig!**

**Eg har synda mot deg og svikta min neste
– med tankar og ord, med det eg har gjort,
og med det eg har forsømt.**

**Tilgjev meg mi synd for Jesu Kristi skuld. Skap i meg eit
reint hjarte, og gjev meg kraft til nytt liv ved din heilage
Ande.**

6 Bønerop KYRIE

Kyrie og Gloria blir sungne.

A | **Kyrie eleison. Gud Fader, miskunna deg. Kriste eleison.
Herre Krist, miskunna deg. Kyrie eleison. Heilag Ande,
miskunna deg.**

Lovnadsord

L | Så høg som himmelen er over jorda, så veldig er hans miskunn over dei som fryktar han. Så langt som aust er frå vest, tek han syndene våre bort frå oss. **Sal 103,11-12**

7 | Lovsong GLORIA

L | Ære vere Gud i det høgste

A | og fred på jorda blant menneske som Gud har glede i. Vi lovar deg, vi prisar deg, vi tilbed deg, vi opphøgjer deg. Ved kort form: **Amen.**

8 Dagens bøn

Bøna blir sungen eller sagt fram.

Bøna blir innleidd med:

L | Lat oss alle be.

5.søndag i påsketida (s 190)

Livsens Gud, ved Son din Jesus Kristus har du oppretta ditt rike blant oss. Vi bed deg: Vara oss i din kjærleik, så vi kan bera stor grøde, som greiner på det sanne vintreet, Jesus Kristus, han som med deg og Den heilage ande lever og råder, éin sann Gud frå æve til æve. **K** | **Amen.**

ii. Ordet

L | Lat oss høyra Herrens ord.

9 Første lesinga

Frå Det gamle testamentet

ML | Det står skrive i/hos...

Lesinga sluttar med:

ML | Slik lyder Herrens ord.

10 Salme

11 Andre lesinga

Frå Det nye testamentet utanom evangelia

ML | Det står skrive i...

Lesinga sluttar med:

ML | Slik lyder Herrens ord.

*12 Evangelium

Hallelujavers 977,5 (kan varieres etter søndagens preg)

Evangelielesing

L/ML | Det står skrive i evangeliet etter...

Lesinga sluttar med:

L/ML | Slik lyder det heilage evangeliet.

Respons

Hallelujavers 977,5 (kan varieres etter søndagens preg)

12 Preikeavsluttes med:

L | Ære vere Faderen og Sonen og Den heilage ande, som var og er og vera skal éin sann Gud frå æve og til æve.

*14 Truvedkjenning credo

ML | Lat oss vedkjennast vår heilage tru.

A | **Eg trur på Gud Fader, den allmektige, som skapte himmel og jord.**

Eg trur på Jesus Kristus, Guds einborne Son, vår Herre, som vart avla ved Den heilage ande, fødd av Maria møy, pint under Pontius Pilatus, vart krossfest, døydde og vart gravlagd, fór ned til dødsriket, stod opp frå dei døde tredje dagen, fór opp til himmelen, sit ved høgre handa åt Gud, den allmektige Fader, skal koma att derifrå og døma levande og døde.

Eg trur på Den heilage ande, ei heilag, allmenn kyrkje, eit samfunn av dei heilage, forlating for syndene, oppstoda av lekamen og evig liv. Amen. *Den apostoliske truvedkjenninga*

18 Forbøn for kyrkja og verda

Minning (evt -bruk formularet som er limt inn i tekstboka)

ML | Vi reiser oss og minnest dei i kyrkjelyden vår som det er halde gravferd for sidan sist vi var samla.

Kyrkjelyden reiser seg.

Ein les opp namna på dei døde. Kort stille stund.

ML | Lær oss å telja våre dagar så vi kan få visdom i hjartet! Sal 90,12

ML | Miskunnsame Gud, trøyst dei sørgjande og ver dei nær i tida som kjem.

Forbøn

KR | Innleiing til **forbøn for emner frå bøner i bønnekrukka:**

Herre! Du har lova at det to eller tre er samla i ditt namn, der vil du vere. I dag løfter vi i fellesskap fram for Deg ein som ønskjer at vi skal be for.....)

KR | Evt bøn for bønelapper (**dei som ikkje skal lesast:**

Herre! Til deg kjem vi med våre bøner. Dei vi har skreve ned, og ønskjer at du skal ta hand om. Dei ordlause vi aldri fekk skrive ned fordi vi ikkje turde. Ordene lappane ber, ber vår von –at du ser og styrkjer oss der vi er og dit vi skal.

Forbøn 1 (kan variere etter søndagens preg)

ML | For di kyrkje på jorda, for fellesskap mellom dei truande og framgang for evangeliet i heile verda bed vi deg, Gud.

K | Kyrkjelydssvar **M** | Herre, høyr vår bøn.

ML | For di kyrkje i landet vårt, for biskopen vår og kyrkjelydane våre, for alle dine tenarar og medarbeidarar bed vi deg, Gud.

K | Kyrkjelydssvar **M** | Herre, høyr vår bøn.

ML | Om vekst i trua gjennom Ord og sakrament, om truskap i bønna, om tolmod og glede bed vi deg, Gud.

K | Kyrkjelydssvar **M** | Herre, høyr vår bøn.

ML | Om fridom og fred i verda, om brød til dei som svelt, om rettferd for flyktningar og forfølgde, og om fellesskap over grensene bed vi deg, Gud.

K | Kyrkjelydssvar **M** | Herre, høyr vår bøn.

ML | For vår konge og hans hus, for alle som har leiaransvar mellom oss, bed vi deg, Gud.

K | Kyrkjelydssvar **M** | Herre, høyr vår bøn.

ML | For alle sjuke og nedbrotne, for einsame og forlatne, for alle i freisting og fare bed vi deg, Gud.

K | **Kyrkjelydssvar** **M** | Herre, høyr vår bøn.

ML | Om ditt nærvær i all naud, om kraft til å tena og til ein gong å nå det evige livet bed vi deg, Gud.

K | **Kyrkjelydssvar** **M** | Herre, høyr vår bøn.

Eventuelt kan det følgja stille bøn innleidd med desse orda:

ML | Stilt vil vi no leggja fram for deg det kvar av oss har på hjartet.

- *Stille bøn* -

ML | avsluttar med: Gud, vi bed.

K | **Kyrkjelydssvar** **M** | Herre, høyr vår bøn. **Amen.**

19 Takkoffer frå kyrkjelyden

ML informerer om offerformål

iii. Nattverd

20 Førebuing av måltidet

Ofringa blir avslutta med:

L | Velsigna er du, Gud. Di er jorda og det som fyller henne. Av ditt eige gjev vi deg attende. Sameina di kyrkje av alle folkeslag og tungemål.

Liksom kornet har vorte eitt i brødet og druene i vinen, så gjer oss til eitt med kvarandre og med Herren Jesus Kristus.

A | **Ta imot oss og gåvene våre i Jesu namn. Amen.**

Nattverdssalme

*21 Takkseiing og bøn

Nattverdsbøn a

Helsing PREFASJONSDIALOG

L syng | Herren vere med dykk.

K reiser seg og syng | **Og med deg vere Herren.**

L | Lyft dykkar hjarte.

K | **Vi lyfter våre hjarte til Herren.**

L | Lat oss takka Herren vår Gud.

K | **Det er verdig og rett.**

Innleiande lovprising PREFASJON

Liturgen vender seg mot altaret og syng eller seier fram prefasjonen.

Påske (s. 253) (erstattes ihht kirkeåret)

I sanning verdig og rett er det at vi alltid og alle stader takkar deg, allmektige Gud, evige Far, ved Jesus Kristus, vår Herre.

Han er det rette påskelam, som har bore våre synder, og ved si oppstode har han sigra over døden.

Ved han lovsyng englane din herlegdom, og di kyrkje i himmelen og på jorda prisar namnet ditt med samrøysta lovsong.

Med dei vil vi òg blanda våre røyster og tilbedande syngja:

Heilag SANCTUS

A syng | Heilag, heilag, heilag er Herren Sebaot. All jorda er full av din herlegdom. Hosianna i det høgste. Velsigna vere han som kjem i Herrens namn. Hosianna i det høgste.

L | Vi prisar deg, heilage Gud, Skapar av himmel og jord, du som har elska verda og gjeve Son din, Jesus Kristus, for at han skulle frelsa oss frå synd og død og vinna deg eit heilag folk.

L | Vi bed deg: Send din Ande over dine gåver, så vi kan ta imot Jesus Kristus i brødet og vinen.

Innstiftingsorda Verba (s.134)

L | Vår Herre Jesus Kristus, i den natta han vart sviken, tok han eit brød, takka, braut det, gav læresveinane og sa: Ta imot og et! Dette er min kropp som blir gjeven for dykk. Gjer dette til minne om meg. Like eins tok han begeret etter måltidet, takka, gav dei og sa: Drikk alle av det! Dette beger er den nye pakt i mitt blod, som blir utrent for dykk så syndene blir tilgjevne. Kvar gong de drikk av det, så gjer det til minne om meg.

Når liturgen syng eller seier fram orda, eller etter kvar del av innstiftingsorda, lyfter liturgen først brødet, deretter vinen.

Fadervår

A | **Vår Far i himmelen! Lat namnet ditt helgast. Lat riket ditt koma. Lat viljen din råda på jorda slik som i himmelen. Gjev oss i dag vårt daglege brød, og tilgjev oss vår skuld, slik vi òg tilgjev våre skuldnarar. Og lat oss ikkje koma i freisting, men frels oss frå det vonde. For riket er ditt og makta og æra i all æve. Amen.**

***22 Nattverdsmåltidet**

Kyrkjelyden står heilt til dei første går fram til nattverden.

Fredshelsing PAX

L seier | Guds fred vere med dykk. **K** | Guds fred vere med deg.

Du Guds Lam AGNUS DEI

A syng |

Du Guds Lam, som ber all verdsens synder, miskunna deg over oss.

Du Guds Lam, som ber all verdsens synder, miskunna deg over oss.

Du Guds Lam, som ber all verdsens synder, gjev oss din fred.

L | Kom, for alt er gjort ferdig

Utdeling

Salme under utdeling:

Etter utdelinga:

L seier | Den krossfeste og oppstadne Jesus Kristus har no gjeve oss sin kropp og sitt blod som han gav til soning for alle våre synder.

A | **Han styrkje oss og halde oss oppe i ei sann tru til det evige livet.**

L | Fred vere med dykk.

23 Avslutning av måltidet

Alteret blir rydda. Beger og disk blir dekte med nattverdsklede.

Takkebøn (s. 160)

Her kan liturgen/medliturgen seia eller syngja:

L | : Lat oss takka og be

Her bed ein ei av takkebønene nedanfor, den første kan liturgen syngja:

L | Vi takkar deg, himmelske Far, for dine velsigna gåver. Vi bed at du ved desse gåvene vil halda oss fast i trua på deg, sameina oss i din kjærleik og stadfesta i oss håpet om det evige livet, for Jesu Kristi skuld. **K** | **Amen.**

iv. sending

*24 Salme

*25 Velsigning

Når det gjeld velsigningsord som kan brukast på andre hovudgudstenester enn høgmessa.

Velsinginga blir sungen eller lesen.

Den enkelte kan gjera krossteikn etter velsinginga. Innleiing til velsinginga kan vera:

Lovprising BENEDICAMUS (s. 162)

L | Lat oss prisa Herren.

A | **Gud vere lova. Halleluja. Halleluja. Halleluja.**

L *syng* | Herren velsigne deg og vare deg. Herren late sitt andlet lysa over deg og vere deg nådig. Herren lyfte sitt åsyn på deg og gje deg fred. ✠ **K** | **Amen. Amen. Amen.**

Tre gonger tre bønslag

*26 Utsending

Dersom kyrkjelyden blir sitjande under det etterfølgjande postludiet, kan utsendingsordet seiast etter postludiet.

KUNNGJERINGAR

*27 Postludium/Utgangsprosesjon

L | Gå i fred og ten Herren med glede

(Sidetala i parentes i ordninga viser til den nye gudstenesteboka. Desse ledda varierer med søndagens preg og med kyrkjeåret)

Tekst markert med gul bakgrunn er dei ledda alle les, bed og/eller syng!